




Las armas dallas Treis Ligias. Successiun officiala dallas armas dallas Treis Ligias

<b>OBER PVNT</b>	<b>GOTZHASPVNT</b>	<b>ZECHE...</b>
Ligia grischa:	Ligia dalla Casa da Diu:	Ligia dallas X dertgiras:
<i>Descripiun (blason)</i>	«Scut fendius da ner ed argien».	
Ligia grischa:	«Sin funs d'argien capricon ner».	
Ligia dalla Casa da Diu:	«Sin funs d'argien um selvadi cun in pégn en sia maun seniester».	
Ligia dallas X dertgiras:		
Igl artist ha malegiu il uoppens dallas Treis Ligias en alv ner. El desista cheu sin tuttas tincturas.		



Las armas dil ciclus dalla Ligia dalla Casa da Diu. Numeraziun da seniester a dretg resp. da surengiu:

- |  |                               |                                 |
|--|-------------------------------|---------------------------------|
| 1. arma dalla Ligia dalla Casa da Diu; | 6. arma Raschèr;              | 12. arma Travers de Ortenstein; |
| 2. arma Planta;                        | 7. arma de Unterwegen;        | 13. arma Jecklin;               |
| 3. arma de Salis;                      | 8. arma Beeli de Belfort;     | 14. arma de Tscharner,          |
| 4. arma a Porta;                       | 9. arma Carle de Hohenbalken; | 15. identificaziun aunc         |
| 5. arma Castelmuro;                    | 10. arma Ziegler;             | buca definitiva;                |
|  | 11. arma Juvalta;             | 16. arma Prevosti.              |

FOTOS MAD

## Ciclus heraldic ord il 16avel tschentaner

Discuvretga da vegls uoppens en casa pervenda a Sagogn

■ **A caschun dalla reconstrucziun dalla casa pervenda catolica da Sagogn igl onn 2010 han ins discuvretg vegls uoppens davos ina tabladira el plaunterren. Il ciclus heraldic muossa las armas dallas Treis Ligias, l'arma de Sax ed en in bloc geometric 16 armas pli pintgas.** Igl uoppen de Sax ei dataus da 1609, ils ulteriurs ein pli vegls e derivan dil 16avel tschentaner, probabel entuorn 1550/1590. L'altezia dil ciclus heraldic munta sin 1,25 m, ils ulteriurs han dimensiuns da 23 x 18 cm. Las picturas muralas ein vegnidas restauradas e l'ar-

rista da quei project ha fatg in cumpetent rapport sur da sias lavurs.

Las picturas muralas ein vegnidas publicadas a moda professionala egl Archiv Heraldic Svizzer (Schweizer Archiv für Heraldik, Heft 2012-I). Quel ei cumpariu l'entschatta da zercladur e cuntegn in'analisa sin basa da scrutaziun scientifica. La mira principala ei stada da far ina emprova da metter sin pantun igl entir ciclus heraldic, pertgei ch' ina part da quel ei vegnida destruida el decuors dil temps. Cun excepziun dalla cefra 1609 sut l'arma de Sax cuntegnan las picturas neginas in-

scripziuns. Ellas serefereschan pia buca sin persunas individualas, mobein sin famiglias che fuvan s'engaschadas a siu temps ella veta publica e culturala.

Ina examinaziun dils 16 uoppens aunc conservai ha demussau che quels appartegnan tuts a famiglias ord il territori dalla Ligia dalla Casa da Diu: Planta, de Salis, a Porta, Castelmuro, Raschèr, Unterwegen, Beeli de Belfort, Travaulta, Ziegler, Juvalta, Travers, de Jecklin, Tscharner e Prevosti. Ei croda si che buc ina solia famiglia ord la Ligia grischa ei representada en quei bloc. Gest quei fatg

muossa clar e bein ch'il ciclus original cunteneva aunc in secund bloc cun schlattas ord la Ligia grischa. Quel sesanflava sin la vart seniastra da quella preit, leu nua ch'ins ha rut ora ina finiastra pli tard. Quella disposiziun correspunda era alla successiun officiala dils uoppens dalls Treis Ligias: Ligia grischa, Ligia dalla Casa da Diu e Ligia dallas diesch dertgiras. Quei bloc entscheveva probabel sisum seniester cun l'arma dalla Ligia Grischa, suandada da famiglias enconuschentas ella veta publica sco ils de Mont, de Capol, Schmid de Grüneck, de Ca-

stelberg, de Latour, Montalta, de Schorsch, Rosenroll e. a. v.

Sche nus targein ussa vinavon per quei cani historic sch'ei ei buca sclaus ch'il ciclus original cunteneva aunc in tierz bloc cun armas ord la Ligia dallas diesch dertgiras. Quella tesa ei podà in tec gagliarda, mo sclauder ella a priori savein nus denton buca. Quei tierz bloc, forse sin la preit viers sid, cunteneva lu probabel armas Buol, de Sprecher, Jenatsch, Guler de Wynneck, Enderlin de Montzwick, Jeuch, Valär e. a. v.

Aluis Maissen, Rabius

### Camp da cant per scolarAs, uost 2012

■ (cp) Gia per la 13avla gada organischa il District da cant Surselva in' jamna da cant per scolarAs a Trun. La finamira ei da promover il cant e leventar il plascher per quei bi art cultural. *Flavia Hublard* ed *Annatina Nay* lavuran cun ils affons vid in variont program musical nua ch'ei vegn dau gronda peisa alla cultivaziun dalla vusch. L'instrucziun ha mintgamai liug avon- e suentermiezdi. La sera serendan ils affons mintgamai a casa.

Naven dil gliendisdis entochen la gievgia vegn purschiu in gentar comunabel. Il venderdis vegn la jamna da cant terminada cun in pign concert final. Il temps da cuors vegn fixaus aschia che tuts affons san viagiar cun mieds da transport publics.

Igl emprem cuors (6–10 d' uost 2012) sedrezza primarmein a scolarAs naven dalla 5avla classa (2001) e pli vegls. ScolarAs naven dalla 1. entochen la 4. classa han la pussevcladad da frequentar il camp naven da gievgia entochen venderdis (9–10 d' uost 2012). Il daner da cuors munta per igl emprem cuors 100 francs e 20 francs per il secund cuors (cumpriu il gentar e la scolaziun).

Umberto Camathias selegra da biaras annunzias entochen ils 30-06-2012 e stat per ulteriuras damondas bugen a disposiziun (076 438 08 07/umbi@camathias.ch)

LA QUOTIDIANA

## In memori pil giubileum

Avon 15 onns ha la Ludoteca Mustér aviert sias portas



Il memori e la brochura accompignonta dalla Ludoteca Mustér.

FOTO H. HUONDER

### Memori cun fotografias

Pil giubileum da 15 onns fa il team dalla Ludoteca Mustér a sesezza ed a sia clientella in regal ordvart original. «Nus havein vuliu crear enzatgei special davart Mustér e cheutras engraziar alla fideivla clientella, mo era alla vischnaunca per il sustegn», di la presidenta dall'uniun, *Monique Huonder*.

La ludoteca ha creau sezza in memori cun fotografias dil vitg e dils uclauns. 32 pèrs da cartas muossan mintgamai ina foto veglia dil davos tschentaner, respectivamein ina foto fatga igl onn vargau ord la medema perspectiva. Las fotografias ein descrettas en ina brochura per romontsch, tudestg, talian ed engles.

Entras in giug bein enconuscent a pign e grond sa vegnir presentau il svilup dalla vischnaunca ils davos tschien onns. «Il giug ha pretendiu dil team dalla ludoteca in grond engaschi», di Monique Huonder.

Il memori vegn vendius per in prezi da 34 francs alla fiasta pil giubileum da 100 onns dalla Viafier retica da questa fin d'jamna a Mustér e silsuenter per 38 francs ella ludoteca ed en pliras stizuns sco era al spurtegl dall'administraziun communal e dalla staziun dalla viafier. Il recav dalla vendita va en favur dalla cumpra da novs giugs e la scolaziun dallas ludotecas e dils ludotecars.